

**Uunga siunnersuut: 2025-mut aningaasanut inatsisissamut siunnersuutip, 2025-mut nuna tamakkerlugu akileraarutip aamma nuna tamakkerlugu immikkut akileraarutip akuersissutiginnissaanut killigitat sivitsorneqarnerat pillugit Inatsisartut inatsisaat nr. xx, xxx 2024-meersoq.**

(Aningaasaqarnermut Akileraartarnermullu Naalakkersuisoq)

### **Saqqummiussissut**

(Aningaasaqarnermut Akileraartarnermullu Naalakkersuisoq)

### **Siullermeerneqarnera**

2025-mut aningaasanut inatsisissatut siunnersuutip akuerineqarnissaanut kingusinnerpaamik piffissaliussap kinguartinnissaa Aningaasaqarnermut Akileraartarnermullu Ataatsimiititaliap qinnutigaa. Taamaammat ataatsimiititaliap kissaataa tamanna tunuliaqutaralugu, Naalakkersuisut inatsisissatut siunnersuut manna saqqummiuppaat.

Inatsisartut Naalakkersuisullu pillugit Inatsisartut inatsisaanni, ukiumut tulliuttumut aningaasanut inatsisissaq kingusinnerpaamik 15. november akuersissutigineqartassasoq allaqqavoq. Akileraartarnermut inatsimmi aamma allaqqavoq nuna tamakkerlugu akileraarutip aamma nuna tamakkerlugu immikkut akileraarutip procentii kingusinnerpaamik 15. november aalajangersarneqartassasut. Ukiuni aggersuni akileraarutip procentii Aningaasanut inatsimmi aalajangersarneqassapput.

Inatsisissatut siunnersuummi siunertaavoq, 2025-mut aningaasanut inatsisip akuerineqarnissaanut killigititaq novembarip 22-anut sivitsorneqassasoq. Tamatuma saniatigut nuna tamakkerlugu akileraarutip aamma nuna tamakkerlugu immikkut akileraarutip aalajangiunnissaanut killigititaq novembarip 22-anut aammattaaq kinguartinneqarpoq. Inatsisissatut siunnersuut ukiup naanerani atorunnaassaaq, taamaalilluni 2024-miinnaq atuutissalluni.

Naalakkersuisut matumuuna siunnersuut Inatsisartunut kajumittumik suliassangortippaat.